



Quels 15 veterans èn vegnids undrads per lur commembranza da 50 onns e 60 onns en ina societad da musica.

## «Musica exprima quai che sa betg vegnì ditg»

Dieta da l'Uniu dals veterans da musica dal Grischun

DA GION NUTEGN STGIER/ANR

■ **Vaz sut ha purschi tetg a 450 veterans da musica. Sco gia las ulteriuras 36 giadas da la dieta èn er dumengia passada la cumpagnia e l'onorificaziun dals veterans d'onur stadad en il center. En in onn a Müstair sa retira il president da l'uniun Erich Zanoli.** La dieta da l'Uniu dals veterans da musica dal Grischun è adina ina occurrenza empernaivla, in di cun ina atmosfera particulara e cunzunt in inscunter nua che blers laschan repassar lur temp activ sco musicants. Fundada è l'Uniu dals veterans da musica dal Grischun vegnida il 1976 cun l'intent da reunir tuts veterans chantunals e federals, ils veterans d'onur ed era ils veterans CISM. Quai èn ils musicants ch'èn 60 onns e dapli activs en ina societad da musica. Da preschent ha l'uniun 1350 commembers che derivan da radund 80 societads da musica e president dals veterans da musica è dapi 14 onns *Erich Zanoli*, uriund da Müstair e sesent a Cuira. Bunamain an moda per fetga la ha la Societad da musica Vaz sut organisà la dieta e gist er dà il vestg musical a quella. Gia avant 25 onns aveva quel lieu organisà l'inscunter dals veterans da musica da noss chantun.

### «En il temp modern da gronda impurtanza»

Fatg onur als veterans cun sia preschient-scha ha era *Elita Florin-Caluori*, la presidenta dal cussegl grond. Dal reminent èn

ses geniturs Joachim ed Elita Caluori, padrin e madritscha da la bandiera da l'Uniu dals veterans da musica dal Grischun. La presidenta dal cussegl grond ha ditg che gist oz en il temp modern saja la musica da gronda impurtanza. La musica exprima quai che sapia betg vegnì ditg e nua che taschair saja impussibel. Ultra da quai saja la musica era il sulet linguatg che vegni chapì sin l'entir mund. Bler laud per ils veterans da musica lura era da *Robert Casanova*, il president da l'Uniu chantunala da musica dal Grischun. «Vus essas quels che sustegnais u ditg auter essas vus las pitgas da las societads e furmazziuns da musica», ha il Lumnezian ditg als 450 veterans. Plinavant ha *Robert Casanova* er ditg als preschents ch'ils veterans sajan bunamain idealists e quai per amur tar la musica. El sco er *Elita Florin-Caluori*, omadus èn sa mussads ventiraivels ch'il suveran grischun ha sustegnì l'iniziativa naziunala per promover la musica en scola cun 73%. Sustegnì finanzialmain quella iniziativa han dal reminent era las 100 societads da musica dal Grischun, che han tuttas dà 100 francs per quella iniziativa.

### 14 veterans d'onur e dus veterans CISM

Tristezza ed allegria sajan savens cumpogns, ha ditg *Erich Zanoli*, avant ch'ils veterans han en in mument da silenzi per adina prendì adia da lur 15 amis ch'èn morts dapi la dieta dal 2011 a Savognin. In mument legriavel percenter lura

l'onorificaziun dals dus musicants ch'èn dapi 60 onns activs e dals 14 veterans ch'appartegnan dapi 50 onns ad ina societad da musica. Els èn da nov commembers d'onur da l'Uniu chantunala da musica dal Grischun. Da nov CISM veterans èn *Peter Marugg* da Clostra e *Leo Koch* da Tavau. Dals 14 novs veterans d'onur derivan set da regiuns rumantschas. Quai èn: *Giacun Antoni Darms*, Falera, *Ludwig Peng*, Val, *Gregor Spinax*, Sur, *Riccardo Savoldelli*, Savognin, *Rudolf Bühler*, Zernez, *Bruno Sax*, Sursaisa e *Josef Schaniel*, Coira/Tinizong.

### Nagin ha demissionà

Ilis affars statutarics han caschunà per naginas pli grondas discussiuns. Il quint annual cun passa 12 000 francs entrada sera cun in gudogn da stgars 1500 francs. Ilis preschents han decidì da betg auzar la contribuziun annuala è laschar quella sin diesch francs. Tema central dals affars statutarics è stada l'elecziun dals commembers da suprastanza da l'Uniu dals veterans da musica dal Grischun. Cun excepziun dal president èn tuts vegnids confirmads per il bienni dals proxims trais onns. Quia èn, *Armin Alig*, Sursaisa, *Claudio Cajacob*, Tavau, *Georg Danuser*, Favugn ed *Ernst Ledermann*, Samedan. *Erich Zanoli*, il president actual resta anc per in onn en uffizi e vegn lura a surdar quel a ses successur tar la dieta 2013 che la Musica Concordia Müstair vegn ad organisar e quai gist dus dis cun in program accumpgant.



Trais umens che s'engaschan per las musicas instrumentalas: (da san.) Robert Casanova, Vignogn, Sep Cathomas, Breil e Toni Tgetgel, Zezras.



Mario Jenal (san.), vicepresidente dal comite d'organizaziun da la festa chantunala da musica 2013 a Cuira e Dumench Fallet, da la Musica Concordia Müstair, che segna en in onn per l'organizaziun da la dieta dals veterans.



Tar la dieta dals veterans s'inscuntran pli generaziuns. (da san.) Pius Winzap e Gion Casutt da Falera.



Quatter veterans da musica da la Surselva. (da san.) Adolf Deplazes, Rabius, David Tiri e Robert Tuor, Trun e Gabriel Flep, Dardin.



La suprastanza da l'Uniu dals veterans da musica dal Grischun cun la presidenta dal cussegl grond e cun dus damas d'onur. (davos da san.) Claudio Cajacob, Ernst Ledermann, Armin Alig e Georg Danuser. (davant da mez) Elita Florin-Caluori ed Erich Zanoli.



Cumenzà ha la dieta cun in salid musical da la Musica instrumentala Vaz sut.